



- **Espi da Pasca:** en Pasca domisdé jará signor ploan a Lungiarü por i espi. Atló tignarunse empó i espi da festa, condüc da porsones co á l'encaria da tigní les Zelebraziuns dla Parora de Dio; porchel tomel fora la benedisciun eucaristica.
- Atló dessot odeise le calender con i orars dles gran messes cina ai 14 de ma:

data	de	La Pli	Al Plan
16.04	domegna	06:30	10:00
24.03	domegna	10:00	06:30
30.04	domegna	08:30 ZPD	10:00 ZPD

data	de	La Pli	Al Plan
07.05	San Florian	10:00	10:00
14.05	domegna	06:30	10:00

1 Enformaziuns y termins

Perié y cianté con le liber nò «Laldun le Signur»: en dedemesaledema ai 12 d'aorí, ales 19:30 te dlíja d'Al Plan vegnel siur Ulrich Fistill y Franz Comploi a daidé adoré le liber nò. Düc é bel enviés, dandadöt chi co se dá jö con la liturgia.

Oraziun a Oies: desco dan la pandemia vegnel endô tigní n'ora de oraziun al mens tla stöa dla ciasa de Sant Ojep a Oies, vegni secundo vendres dal mens ales 20:00, datrai tla forma de Taizé. La proscima ora é en vëndres, ai 14 d'aorí.

De dal ambient: le Comité dai Jogn dal Comun de Mareo envieia düc canc a to pert al de dal ambient. La **sabeda ai 15 d'aorí** piunse ia ales 09:00 dal paiun dla Musiga y ales 13:00 ennant s'encuntunse ia Al Plan dal paiun dla Musiga por na bona marena.

Dotur: la dott.ssa Stefania Febbraro tignará sen ete cösc orar d'ambulatore:

De	Orar	Post
lönesc	09:30 - 12:30	Al Plan
	18:00 - 19:00	Al Plan sön apuntamont
dededolönesc	09:30 - 12:30	Al Plan
dedemesaledema	09:30 - 13:30	La Pli, apartamont te scora sö sot le tet
jöbia	13:30 - 15:00	Rina, scora bas ete
	18:00 - 19:30	Al Plan sön apuntamont
vendres	09:00 - 12:30	Al Plan

Bona Pasca a düc canc tla pêsc de Crist rosserí.

Döt le bun a: Paola Maria Palfrader	* 10.04.1933
Teresa Willeit Irsara, <i>Badia</i>	* 11.04.1941
Angela Olivotto, <i>Ciadura</i>	* 11.04.1943
Maria Anna Ellecosta, <i>San Martin</i>	* 12.04.1936
Giovanni Pedevilla, <i>San lére</i>	* 13.04.1938
Tone Feichter	* 13.04.1938
Elena Maria Daverda ved. Ellecosta	* 14.04.1937
y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann A

09.04.2023 - GRAN FESTA DE PASCA

n. 20

Gejú Crist, nosc Agnel da Pasca, é gnü sacrifiché! Fajun festa tal Signur! Alleluia.

(aclamaziun dan le Vangelo)

📖 St.Ap 10, 34a.37-43 | Col 3, 1-4 | 1 Cor 5, 6b-8 | Jan 20, 1-18

"I cincanta dis dal tomp de Pasca dess ester desco öna na festa, desco na unica gran domegna" á dit n iade papa Paul VI. La bona noela dla ressureziun de Gejú Crist é veramonter le zenter dla fede dla Dlijia. Ara se baseia dandadöt sön la testimonianza y sön i testimoni co ven nominés tla Storia dai Apostui. "Os seis ci ch'al é sozedü te döta la Galilea ..." pordica San Pire (1ª letöra). Cinamai i discepu enstesc á albü dio da capí ci che al ea en realté sozedü. Cinamai a San Pire ne i bastäl bonamonter nia da odei la fossa öta. Al á orü ester che Gejú enstes compariss, i encuntass y se dess da conesce ai sü (Vangelo). Ensciö encuntarunse ince nos le rosserí co nes empiará de ligreza, sc'i cherdun.
da "Bibia di Sandís"

Dal Vangelo do San Jan:

¹Le pröm dé dal'edema, é Maria da Mágdala jüda da doman adora, canch'al ea ciamó scür, fora dala fossa y á odü che la pera ea tuta demez dal sepolcher. ²Ara é saltada debota da Sciomun Pire y dal discepu, a chel co Gejú ti orea bun, y ti á dit: An á tut le Signur fora de sepolcher, y i ne san nia, olach'an l'á motü. ³Danlö é Pire y l'ater discepu jüs ia y fora y é roés fora dal sepolcher; ⁴ai ea saltés entrami deboriada, mo deache l'ater discepu ea plü asvelt co Pire, é chel roé por pröm dal sepolcher. ⁵Al s'á cüfé jö y ete y á odü les fascas de lin ia por tera, mo al n'é nia jü ete. ⁶Dertan ea ince roé adalerch Sciomun Pire, co ti gnea do, y é jü ete tal sepolcher. Al á odü les fascas de lin ia por tera ⁷y la peza dal assöus co ea stada söle ce de Gejú; ara n'ea nia pa les fascas de lin, mo dlungia, lobrida adöm te n post despartí. ⁸Spo é ince jü ete l'ater discepu, co ea roé por pröm dan le sepolcher; al á odü y á cherdü. ⁹Ai ne capía nia ciamó la Scritöra, che al messâ pö rosserí dai morc. [...]



Al á odü les fascas de lin ia por tera ⁷y la peza dal assöus co ea stada söle ce de Gejú;
Jan 20, 9

📖 *Letöres dla Secunda domegna de Pasca - Domegna dla misericordia de Chel Bel Dio:*
St.Ap 2, 42-47 | 1 Pire 1, 3-9 | Jan 20, 19-31

Edema liturgica dai 09.04. ai 16.04.2023

DOM 09.	GRAN FESTA DE PASCA	Waltraud, Konrad
06:30	messa adora a Al Plan	
→ 08:15	salüde ala festa, "Vidi aquam", gran messa ciantada solena por döta la ploania, benedisciun dal signé , → <i>oferta por nosc Cor</i> ♫ Wolfgang Amadeus Mozart, Missa in C „Orgelsolomesse“ KV 259	
10:00	gran messa a Al Plan	
→ 14:30	espi da Pasca	
Lön 10.	LÖNESC DE PASCA Engelbert, Magdalena G.	
→ 08:15	s.m. de rengraziamont dla vita por Paola Palfrader, La Pli s.m. por † Milia Feichter Pitscheider, Tescere/Badia s.m. por †† Germano y Maria Frontull, Mareo	
10:00	gran messa a Al Plans.m. a Antermeia	
Ded 11.	dedolönesc dl'otava de Pasca Gemma Galgani	
07:30	s.m. a Antermeia	
Dem 12.	dedemesaledema dl'otava de Pasca Zeno, Herta	
Jöb 13.	jöbia dl'otava de Pasca Martin I., Ida	
07:30	s.m. a Rina	
Ven 14.	vendres dl'otava de Pasca Valerian, Lidwina, Erna	
07:20	s.m. a Al Plan	
Sab 15.	sabeda dl'otava de Pasca Hunna, Damian	
07:30	s.m. por † Maria Willeit, d'Laronz s.m. por † Richard Brandlechner, Gosser s.m. por † Lois Pedevilla, Soröa	
18:00	s.m. prefestia a Al Plan	
DOM 16.	Secunda domegna de Pasca - Domegna blancia Domegna dla misericordia de Chel Bel Dio Bernardette Soubirous	
06:30	gran messa por döta la ploania <i>oferta por le fonds de solidarietä dal clero</i> s.m. por † Matilde Frontull ved. Vollmann, Moradú s.m. por †† Jan y Valeria Ellecosta, Gogn	
10:00	gran messa a Al Plan	
<i>ampola:</i>	por † Matilde Frontull ved. Vollmann	
<i>ministronc:</i>	• lönesc y sabeda: Sofie El. y Elisabeth • domegna: Moses y Daniel, Maria y Armin	
<i>i recordun:</i>	Germana Lanz Pezzei, Schweiz	† 10.04.2014

Alleluia! Alleluia! Alleluia!

I ponsun do:

Gejú n'é con söa ressozeziun nia gnü zoruch ala vita sön la tera, mo al é rosserí t'en monn nō. So corp é sen trasformé y tól pert ala gloria de Dio. Ensciö pó les porsones ma plü odei Gejú sce el se dá da conesce pa eres; ares é ma bones da l'odei sce ares crei veramonter te el. Pa les porsones co ti orea bun a Gejú aldía dandadöt Maria da Mágdala y spo Pire y Jan. Chisc ó sen sei ci ch'an é sozedü con le corp de Gejú. Ai ciafa la fossa öta y met man da creie ala ressozeziun y söa fede ven confermada canche ai encunta le Rosserí. Val' iade se sontiunse tan malsogüsc dan dal messaje dla fede, desco i discepui dan la fossa öta; mo sc'i chirium Chel Bel Dio é cösc n pröm vare de fede.


I periun:

Gran Dio, i festejun le zenter de nosta fede: la mort y la ressozeziun de to Fi. Fá de nos porsones de Pasca co dá ennant speranza y mostra ligreza. Por Gejú Crist, nosc Signur.

Vesco Wilhelm Egger
"Sonntagsbibel"



La noela de Pasca



La noela de Pasca, cuntada dal vangelist, Jan é dramatica, na saltada fora dala fossa, n ia y ca, odei y empó ne capí nia. Dübi y presentimonc.

Ai discepui ti éra jüda ensciö y magari ince a trec de nos. I chirium sügherté de fede y ne la ciafun nia.

La resposta dla doman de Pascapeia ia dal cör de Maria da Mágdala. Ara bradla y plüra, deache con la mort de Gejú ára pordü döt: stima y amur, daciasa y proteziun.

Canche Gejú dij so ennom, sontera y sára ch'al vir.

Söa tristeza ciafa consolaziun

y ara pó ti dí ai discepui: "I á odü le Signur."

Cösta era ferida y grandiosa,

testemona dla ressozeziun,

pó nes mostré a nos y ala Dlijia le tru

Te Deum